



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De personis, quæ penes se hanc Bullam habere debent. Cap. VII.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

mai. & obed. ob eam rem nō obedientes primum peccare mortifere sentio: deinde, ex quo nulla pœna proposita certa est ad arbitriū Rom. Pont. puniri posse. arg. c. de causis. de off. deleg. & l. r. ff. de iudelib.

2 Quo ad secundum qua forma solemnis publicatio fiat, dico hac forma faciendam esse, Episcopus Pontificiis vestibus indutus cum mitra, & Baculo assistentibus ipsi aliis clericis, & sacerdotibus clericilibus indutis, cereo accenso præsente populo Bullam publicabit, vel alius de eius mandato ipso præsente, ac deinceps publicata campana breuiter pulsabitur, & cereus in terram proiectus pedibus conculcabitur. arg. Clem. r. §. & quia, de pœn. & extrauag. incip. fidelis, & stolidæ. de fur. & sic etiam Roma. Pont. solemniter in die iouis sancto publicare consuevit, campanæ sono excepto. His præmissis iam regulam ponamus.

3 Ecclesiæ prælati ergo siue Patriarchæ, siue Archiepiscopi, siue Episcopi, vel alii Ecclesiæ Antistites in suis Ecclesiis Bullam hanc solemniter, dum maior populi frequētia aderit, publicabūt, vel per se, vel per alios.

Item non tantum semel in annum, verum etiam & sæpius, si id expedire animaduertent, ob verba illa semel in anno, aut si expedire viderint, etiam pluries.

Excipitur tñ, vbi Episcopus titularis tantum esset, & sic Ecclesiam non

haberet, nam ex quo Ecclesia caret, & populo, & ob id Bullæ verba ipsi non conueniunt, ergo nec dispositio. arg. l. 4. §. toties. ff. de damn. infect.

Postremo excipiuntur alii clerici, qui iurisdictionem non habent, nam Bulla solum de his loquitur, nam prælatorum nomine hi solū comprehenduntur, qui iurisdictionem habent, vt dixit Abb. in c. cū ab Ecclesiarum. de off. or. non igitur simplices parochi ad hoc tenentur, nā si & ipsos obligare voluisset, eorum mentionem fecisset, sicut fecit in sequenti Capite, Nec non rectores, ceterique curam animarum exercentes.

Atqui, an qui contra hanc Bullam venerint, eam probabiliter ignorantes, esto valuis dictarum Ecclesiarum affixa sit, & alibi etiā publicata, an inquam in pœnas ipsius incident? Hanc questionem in prima parte huius operis absoluiimus: Sed iam ad aliud caput veniamus.

De personis, quæ penes se hanc Bullam habere debent. Cap. VII.

Cæterum Patriarchæ, Archiepiscopi, Episcopi, aliique locorum Ordinarii, & Ecclesiarum prælati, nec nō Rectores, cæterique curam animarum exercentes, ac

presbyteri seculares, & quorumuis ordinum regulares, ad audiendas peccatorum cōfessiones quauis auctoritate deputati, transumptū litterarū penes se habeant, easque diligenter legere, & percipere studeant. Volentes earundem præsentium transumptis, etiam impressis, notarii publici manu subscriptis, & sigillo iudicis ordinarii Romanæ curiæ, vel alterius personæ in dignitate Ecclesiastica constitutæ munitis, eandem prorsus fidem in iudicio, & extra illud vbique locorum adhibendam fore, quæ ipsis præsentibus adhiberetur, si essent exhibitæ, vel ostensæ.

S V M M A.

1 Bullam hanc habere debent omnes animarum curam habentes.

Patriarchæ.

Archiepiscopi.

Episcopi.

Abbates.

Parochi.

Vicarii perpetui.

Cappellani.

Sacerdotes tam regulares, quam seculares ad sacramentum pœnitentiæ admittendum admissi.

2 Bullam hanc quinam habere non tenentur.

Caput hoc diuiditur in duas partes, quarum secunda incipit ibi, Volentes eorundem. De prima igitur primo agamus, in qua numeratur personæ, quæ Bullam hanc penes se habere, ac percipere eam debent, quam rem ut dilucidiorē habeamus, regulam more nostro ponamus.

1 Omnes igitur animarum curam habentes Bullam hanc penes se habere debent, vt colligitur ex prima parte huius Capituli. Nam primo ipsam habere debent Episcopi, siue Patriarchæ, siue Archiepiscopi, siue simplices Episcopi sint, ob verba illa Patriarchæ, Archiepiscopi, Episcopi, (etenim quadripartiti Episcoporum gradus sunt, ut habetur in c. 1. d. 2 r. S. Episcoporum.) Item alii locorum ordinarii, & Ecclesiarum prælati. (Hi vero sunt Episcoporum Vicarii, Abbates, & huiusmodi.) Tertio parochi, ob verba illa Nec nõ rectores. Quarto cæteri curam animarum gerentes, ob verba illa Ceteri.

terique curam animarum exercētes. (Hi vero sunt Vicarii perpetui, qui & ipsi parochorum vicem gerunt, & in multis eodem iure cēsentur, quo ipsi parochi, vt habetur in Clem. unic. de offi. Vicar.) Item Capellani, nam & hi curam animarum habent. Postremo sacerdotes alii tam seculares, quam regulares ad sacramentum penitentiaē administrandum admissi, ob uerba illa, Ac presbyteri seculares, & quorumuis ordinum regulares ad audiendum peccatorum confessiones quauis auctoritate deputati. Hi quoque igitur Bullam hanc habebunt, a quocūque ad audiendas penitentias admissi sint. Si ergo Bullam hanc prædicti habere debent, ergo qui curam animarum gerunt, ipsam habebunt, nam hi omnes animarum curam gerūt, ut per se patet.

Item quoniam uerba cum esse & u sunt intelligenda, argu. l. 1. ff. quod quisq; iur. ob eam rem oportet, ut etiam eius uim, & sententiā norint, id quod fit eam legendo, & quid uelit percipiendo, & ob eam rem uult Roman. Pontif. ut eam legant, & percipiant, ob uerba illa, Easque diligenter legere, & percipere studeant. Non igitur sat est eam habere, ac legere, qđ summa ratione factum est, nam, cum contingat penitentes ad ipsos uenire, qui his censuris irretiti sint, a quibus absolueri nequeunt, ut habetur in Cap. 2. huius tertie partis, & non absoluti sacramenti pe-

nitentiaē absolutionis participes esse non possunt. arg. ca. nuper. de sentent. excomm. & ut nos egin. us abundē in tractatu nostro de censuris, ob eam rem ne clauium auctoritate abutantur, & penitentes decipiantur, iure præceptum est, ut Bullam hanc apud se habeant, diligenter legant, ac percipiant.

2. Excipiuntur tamē, † qui curam animarum non habent, nam hi, uel Episcopi, uel sacerdotes sint, eam apud se habere non coguntur, nam ex quo de curam animarum habentibus Bulla loquitur, ergo secus de aliis. arg. l. cum prætor. ff. de iud. & capitul. non ne. de præsumpt. etenim cessat ratio, quamobrem ipsi eam habere debent, & ob id & dispositio. argu. ca. cum cessante. de appell. & l. adigere. §. quamuis. ff. de iur. patron.

Postremo excipiuntur, qui etiā curam animarum habent, sed nō dum sacerdotes sunt, nam ex quo sacramenta administrare nequeunt, periculum prædictum, & ratio in ipsis locum non habet, ergo nec Bulla.

Atqui an ipsam non habentes mortiferè peccent? Ego censo mortiferè hos peccare tum quod Bulla imperandi modo utitur, dum inquit Habeant, & studeant, & res grauis hæc est, tum quod non solum uult, ut habeant hanc Bullam penes se, uerum etiā ut studeant diligenter eam legere, & percipere, quæ uerborum

mul,

multiplicatio hæc omnino Rom. Pontificem voluisse ostēdit, & sic præceptum esse, & ob id ei parendum, alioquin peccant. argu. c. 2. de maio. & obe. Sed de prima parte satis, ad alteram veniamus.

Verf. Volentes earundē præsentium transumptis, etiā impressis notarii publici manu subscriptis, & sigillo iudicis ordinarii Romanæ curiæ, vel alterius personæ in dignitate Ecclesiastica munitis, eandē prorsus fidem in iudicio, & extra illud locorum adhibendam fore, quæ ipsis præsentibus adhiberetuer, si sēt exhibitæ, uel ostensæ.

S V M M A.

1 *Exempla deprompta ex Bulla, etiam si impressa non sint, fidem faciunt, modo manu publici notarii subscripta sint, & signo iudicis Romanæ Curie, uel alterius personæ in dignitate Ecclesiastica constituta munita.*

1 **I**N hac parte vult Rom. Pont. vt fides adhibeatur tam in iudicio, quam extra illud & ubique locorum exemplis depromptis ex

ipsa Bulla, etiam si impressa non sint, modo duo adsint. Primum subscripta manu publici notarii sint. Deinde signo iudicis ordinarii Romanæ curiæ, vel alterius personæ in dignitate Ecclesiastica constitutæ signata, vt habetur in verf. Quare si quis assereret in excōicationem aliquam huius Bullæ incidisse ob noui vectigalis impositionem, cum id non posset, si negaret in hoc casu excommu. lata esse, producens exemplum huius Bullæ coram iudice munitum, vt dixi, conuictum talem habebitis. Sed de hoc satis, ad postremum caput veniamus.

De pena frangentium hanc Bullam, veb contra ipsam uenientium.

Cap. VIII.

Nulli ergo omnino hominū liceat hanc paginam nostræ excommunicationis, anathematizationis, interdicti, innouationis, innodationis, declarationis, protestationis, sublationis, renouationis, commissionis, mandati, & voluntatis infringere, vel ei ausu temerario contraire. Si quis autem hoc attentare

pra-